

Vun driveriver

erscheint auf www.lenauheim.de

monatliche
Erscheinung

Dezember 2011

von *Helen Alba*

Tony Marshall backt un singt for Altenheimbewohner

Nit im Traam hätt ich mer vorgstellt, dass mer in dere heirich Vorweihnachtszeit so was passiere kennt. Stellt eich mol vor: Ich han de bekannte un beriehmte Opern- un Schlagersänger Tony Marshall perseenlich kennegelernt, han mich mit dem Mann unerhall un ne live singe gheert. Un wies derzu kumm is, des werd der jetzer erfahre:

Ende November han ich mich mol wieder uf de Wech gemacht un sin gut in dem Deitschland ankumm. Alli han schun voller Sehnsucht uf mich gewart, weil wann die Mutti do is, die holt de Haushalt in die Hand un die Kiner han meh Zeit for sich. Mol war ich bei der Tochter, dann wiedrum beim Sohn – es is immer so, ich muss beim Bsuch stark owacht gin, dass ich mei Zeit so inteel, dass kenner zu kurz kummt un amend eifersichtlich git. So war ich an sellem Owet beim Moni, wie mei Bu anruft un so ganz newebeim ment: „Willscht dich nit mitm Tony Marshall treffe?“ Erscht han ich gement, er macht sei Jux mit mer. Doch schnell sin ich drufkumm, dass der Sänger sich wirklich in Pforzheim, in eem Altenpflegeheim, des nennt sich „Sonnhalde“, angemeld hat. Er will dorte mit de Altenheimbewohner Küche backe un dene vorsinge. Un weil mei Bu in dere „Sonnhalde“ die Computer dirigiert, war des ganz eenfach – ich han e Einladung kriet.

Vorbereitunge uf Hochtuure - Un schon hat sich mei Tochter, es Moni, zu Wort gemeld: „Mutti, also do kannscht doch nit akar wie hingehn! Erscht staffier ich dich aus!“ Umesuscht han ich dem Kind auszuredede versucht, dass ich genuch Klamotte han. Nix derweil, mir sin inkaafe gang. Un in Deitschland – nix leichter wie des. Mir han die richtich Größe, Farb un alles was derzu gheert uf Anhieb gfun. Jetz hats Moni drei Täch lang an mer rumfrisiert, bis es der Meinung war, ach die Frisur tät zu dere Kleidung passe. Doch wie sich Stars halt villes erlauwe kenne, is die Veranstaltung dreimol verschob gin, bis es dann endlich doch soweit war. Ich sin e Stund vor em Tony Marshall in der „Sonnhalde“ ankumm. Dorte ware schun alli uf Trab gsetzt. Die Altenheimbewohner han im Speisesaal gsitz un an Tische schun fleissich Taich geknet, es Personal hat Kaffee, Tee un Glihwein vorbereitet...

Un schun is de Tony angerauscht - Is aus eem Auto im Trainingsanzuch ausgstieh, begleitet vun seim Manager, vun Zeitungsschreiwere un Fotoreporter. E 72jährige Mann mit guter Figur, eem lächelnde Gesicht un schwarzem Lockenkopp. Natierlich is er zuerscht verschwunn, sich frisch mache un in de Anzuch werfe. Derweil hat sei Manager die Elektronik im Speisesaal ufgebaut, de Reporter han gfroot un die Kameras han geblitzt.

Ich han streng angsaat kriet, mich uf mei Platz zu hucke un nit zu muckse. Natierlich han ich mich dran ghal... bis uf eemol der Manager uf mich druf zukumm is un mich gfroot hat: „Bäsl, ich han gheert, dass der bissl mit dem Tony rede mecht!“ Mei Herz hat e Hupser gemacht un ich han kaum erwart kenne, bis es soweit war. Awer mei Geduld is noch uf die Prob gstellt gin.

In der „Weihnachtsbäckerei“- Derweil han ich de Altenheimbewohner zugschaut. Sie ware schun derbei de Taich auszuwalchre un Figure auszusteche. Die sin dann in Kücheblecher kumm, dorte mit Aijerweis ingepenselt gin. Un ufmol war a de Tony in dem Saal, hat e weiss Scherz umgebunn ghat, is vun Tisch zu Tisch gang, hat gepenselt, Figure ausgestoch un mit de Leit verzählt. Die Reporter han ne uf Schritt un Tritt verfolgt, jedes Lächle feschtghal. Ufmol is jo de Tony uf mich zukumm, hat sich an mei Tisch ghuckt, mer die Hand gebusselt un gsaat, dass er gheert hat, ich sei aus Rumänien, wu er arich vill guti Freind hat. Jetz war ich in meim Element, han dem Mann vum Banat verzählt, wu er villi Fans hat. Weil sei Lieder un er bekannt sin un bei der deitschi Sendung Radio Temeschwar die Tony-Marshall-Schlager oft gspillt gin. Un ufmol saat der Star jo, dass er sich winsche tut, mol ins Banat uf Tournee zu kumme. Ob mer des wohl bewerkstellige? Ich wer eich. Iewi Leser, uf jede Fall beizeite informiere, sellts in die Tat umgesetzt gin.

De Tony singt, die Seniore flatschre - Un dann is de Küche in die Rehr kumm, die Seniore han zu plätsche un de Tony zu singe anfang. Bekannti Schlagre, awer ach Adventslieder: „Süßser die Glocken nie klingen“; „Schöne Maid“; „Bora Bora“; „Mamatschi“; „Heitschi Bumbeitschi“; „Komm gib mir deine Hand“; „Junge, die Welt ist schön“. Beim Lied „Ich war noch nie dem Himmel so nah“ han alli Anwesendi die Händ ghob un dermit gflatschert, han sich inghong un gschunkelt. De Tony hat alli Weibsleit e Ros iwerreicht. Na, es Applaudiere hat nit ufheere wille. Un wie de Tony noh seiner Schoh Autogramme un CD's verteelt hat, ware alli glücklich un zufriede. De Küche war gebackt un is verkoscht gin.